

Atal Caethwasiaeth

Datganiad Atal Caethwasiaeth 2020

Daeth Deddf Caethwasiaeth Fodern 2015 (y "Ddeddf") i rym yn 2015. Mae'r Ddeddf yn mynnu bod sefydliadau masnachol â throsiant blynyddol o dros £36 miliwn yn cyhoeddi datganiad atal caethwasiaeth a masnachu pobl ar gyfer blwyddyn ariannol. Cyflwynir y datganiad hwn yn unol ag Adran 54(1) o'r Ddeddf, a hi yw ein datganiad atal caethwasiaeth a masnachu pobl ar gyfer y flwyddyn a ddaeth i ben ar 31 Mawrth 2020. Cymeradwyodd Bwrdd Cyfarwyddwyr Dŵr Cymru Cyfyngedig y datganiad hwn ar 30 Ebrill 2020.

Ein Strwythur a'n Busnes

Mae Dŵr Cymru Cyfyngedig yn is-gwmni sy'n eiddo'n llwyr i Glas Cymru, a'r cwmni yw prif gwmni masnachu'r Grŵp. Mae gan y cwmni drosiant blynyddol o fwy na £36 biliwn, a chyfeirir ato fel Dŵr Cymru trwy gydol y datganiad hwn. Ei brif weithgarwch yw cyflenwi dŵr a thrin a gwaredu dŵr gwastraff o dan yr Offeryn Penodi a wnaeth Ysgrifennydd Gwladol Cymru o dan Ddeddf Dŵr 1989. Mae Glas Cymru'n unigryw yn y sector dŵr a charthffosiaeth, fel cwmni cyfyngedig trwy warant nid oes unrhyw gyfranddeiliaid ganddo.

Dŵr Cymru yw'r mwyaf ond pump o'r deg cwmni dŵr a charthffosiaeth reoledig yng Nghymru a Lloegr. Mae'n gyfrifol am ddarparu cyflenwadau parhaus o ddŵr yfed o safon uchel ar gyfer dros dair miliwn o bobl, ac am fynd â'r dŵr gwastraff sy'n cael ei gynhyrchu i ffwrdd, ei drin a'i waredu mewn ffordd briodol. Rydyn ni wedi ymrwymo'n llwyr i ddarparu gwasanaeth o'r safon uchaf am y gost isaf bosibl.

Gweledigaeth Dŵr Cymru yw Ennill Ffydd ein Cwsmeriaid Bob Un Dydd. Rydyn ni'n deall bod sicrhau'r safonau uchaf o ran llywodraethu'n hanfodol i ennill ffyrdd ein cwsmeriaid. Mae ein perthnasau â'n cyflenwyr a'n penderfyniadau mewn perthynas â'n cadwyn gyflenwi yn elfennau hanfodol o'n diwylliant, ac maent yn bwysig wrth ennill a chynnal y ffydd honno.

Covid-19

Yn ystod pandemig Covid-19, rydyn ni wedi cymryd camau i sicrhau diogelwch ein contractwyr cyfalaf a gweithrediadau, ac osgoi gosod pwysau diangen ar gadwyni cyflenwi lle bo modd. Rydyn ni wedi mabwysiadu'r arferion gwaith diogel yn ystod Covid-19 ar gyfer y byd adeiladu a bennwyd gan y Cyngor Arweinyddiaeth ar Adeiladu, wedi ailgynllunio gwaith er mwyn ei gwneud yn haws cadw pellter cymdeithasol lle bynnag y bo modd, ac yn hwyluso'r defnydd o Gyfarpar Diogelu Personol priodol. Rydyn ni wedi diwygio ein cylch talu, a bellach rydyn ni'n talu pob anfoneb cyn pen 10 diwrnod ar ôl eu cymeradwyo. Rydyn ni wedi ymdrechu i gynorthwyo cyflenwyr ac mae'r mesurau yn hyn o beth yn cynnwys cysylltiadau rheolaidd â chyflenwyr allweddol, rhannu cynlluniau gwaith a chynnal trafodaethau cyson am argaeledd adnoddau. Rydyn ni wedi newid amserlenni i gyflawni gwaith yn gynt i sicrhau parhad gwaith ar gyfer ein cyflenwyr er mwyn lleihau'r angen am roi gweithwyr ar ffyrlo. Rydyn ni wedi cysylltu â'n cyflenwyr tramor er mwyn canfod sut mae gweithwyr, sydd gartref ar hyn o bryd, yn cael eu cynorthwyo a'u talu. Rydyn ni wedi buddsoddi mewn cludiant ychwanegol fel y gall cyflenwyr perthnasol barhau i deithio gan gadw pellter cymdeithasol.

Ein Polisiâu

Mae Dŵr Cymru wedi ymrwymo i ddiwallu nodau'r Ddeddf. Rydyn ni'n gadarn yn ein gwrthwynebiad i gaethwasiaeth, masnachu pobl a llafur plant, ac rydyn ni'n gweithio i godi ymwybyddiaeth ar draws

y busnes ac yn ein cadwyni cyflenwi. Rydyn ni wedi ei gwneud yn glir i'n cydweithwyr a'n cyflenwyr na fyddwn ni'n goddef caethwasiaeth a masnachu pobl yn ein cadwyni cyflenwi, nac yn unrhyw ran o'n busnes. Cael pobl i ymddiried ynom i wneud y peth iawn yw un o'n gwerthoedd craidd. Ni fyddem byth yn cysylltu cyflenwyr neu gontractwyr sy'n gysylltiedig â chaethwasiaeth neu fasnachu pobl gan wybod ein bod yn gwneud hynny, ac rydyn ni'n cadw'r hawl i derfynu ein cytundebau ag unrhyw drydydd parti y ceir eu bod wedi bod yn gysylltiedig ag arferion cyflogaeth annheg.

Mae ein Polisi Atal Caethwasiaeth yn pennu ymrwymiad Dŵr Cymru i weithredu mewn ffordd foesegol ac ag uniondeb yn nhrefniadau ein cadwyn gyflenwi, a'r mesurau diogelu rydym wedi eu rhoi ar waith i fynnu bod ein cyflenwyr a'n contractwyr yn cydymffurfio â'r Ddeddf. Rydyn ni'n adolygu effeithiolrwydd ein polisiâu a'n gweithdrefnau'n gyson er mwyn sicrhau eu bod yn parhau i fod yn addas at eu pwrpas.

Ein Cadwyn Gyflenwi a'n proses diwydrwydd dyladwy

Mae ein cadwyn gyflenwi'n cynnwys tua 4000 o gyflenwyr, ac o'r rhain roedd rhyw 2000 yn gyflenwyr byw y talwyd eu hanfonebau yn ystod y flwyddyn ariannol hyd 31 Mawrth 2020. Yn 2019-2020, gwnaed gwerth rhyw £629 miliwn o daliadau i'r gadwyn gyflenwi. Mae'r cyflenwyr yn amrywio o ran eu maint, ac mae eu harbenigedd yn amrywio o gontractwyr gwaith cyfalaf mawr a chontractwyr gweithredol, i gyflenwyr deunyddiau a nwyddau.

Mae ein system dendro electronig yn mynnu bod darpar-gyflenwyr a chontractwyr yn cadarnhau a ydynt wedi cyflawni unrhyw drosedd o dan Adran 1, 2 neu 4 o'r Ddeddf Caethwasiaeth Fodern ai peidio. Os yw'r ateb yn anfoddhaol, rhaid eu heithrio o'n prosesau tendro. Mae ein hamodau a'n telerau'n cynnwys darpariaethau contractiol sy'n ymwneud â chydymffurfiaeth â'r Ddeddf. Rydyn ni'n ymarfer y darpariaethau hyn ym mhob cytundeb newydd, wrth adnewyddu cytundebau sy'n bodoli eisoes ac wrth godi archebion prynu.

Nid ydym wedi dod yn ymwybodol o unrhyw achosion o arferion cyflogi annheg na gweithgarwch anfoesol yn ein cadwyn gyflenwi yn ystod cyfnod adrodd 2019-20.

Asesu Risg

Y flwyddyn ddiwethaf, rhoesom broses Rheoli Contractau a Chyflenwyr ar waith. Enwir Caethwasiaeth Fodern fel un o'r meini prawf allweddol a gaiff eu hystyried wrth asesu risg a chymryd y camau rheoli contractau a chyflenwyr a all fod yn angenrheidiol ar gyfer contractau allweddol yn sgil hynny. Dyrennir lefelau rheoli contractau Aur, Arian neu Efydd i gontractau unigol, a phennir lefel ac amledd y gwaith monitro ar gyfer y contractau yn seiliedig ar hynny.

Recriwtio a Hyfforddi

Mae ein Tîm Pobl a Newid yn cynnal polisiâu recriwtio i amddiffyn rhag caethwasiaeth a masnachu pobl yn ein gwaith ni ein hunain, ac rydyn ni'n gweithio tuag at gyflawni'r 12 ymrwymiad a bennodd Llywodraeth Cymru yn ei Chod Ymarfer ar Gyflogaeth Foesegol mewn cadwyni cyflenwi.

Yn ystod chwarter cyntaf 2020, mae'r Adran Gaffael wedi dechrau cyflawni gwaith i fapio'r gadwyn gyflenwi o ran y cyflenwadau nwyddau a gwasanaethau lle gallai fod mwy o risg o gaethwasiaeth fodern, gyda ffocws ar wasanaethau Arlwyysaeth a Glanhau i gychwyn.

Yn 2020-21 bydd y Tîm Caffael yn gweithio i ennill ardystiad Caffael Cyflenwadau Moesegol trwy'r Sefydliad Siartredig Prynu a Chyflenwi.

Mesur Effeithiolrwydd

Yn 2020-21 byddwn ni'n adolygu effeithiolrwydd y prosesau rydym wedi eu rhoi ar waith hyd yma er mwyn clustnodi unrhyw weithgareddau asesu a monitro ychwanegol a allai gynnal gwelliannau parhaus yn y maes hwn.

Llofnod: Peter Perry, Prif Weithredwr. 30 Ebrill 2020.